

Эдл-ахун дамшлтта, чадмгъа гардач

Элстин „Родина“ кинотеатрт балгъсна куч-кӧлсчирин элчир хурв. Энунд 500 гар кӧдлмшчир, тосхачир, церглӧчир, колхозникуд цуглрдж, Келн-ӧмтнӧ Советд сунъгългъна 594-ч номертӧ Элистинск сунъгъврин округар СССР-н Деед Советин депутатин кандидат ур Киселев Алексей Трофимовичла харгъцхав.

Округин сунъгъачирин хургиг, КПСС-н Элст балгъсна комитетин негдгч сеглӧтр ур А. А. Трубицын секв. Хург шуугата кевӧр алых ташад, кундтӧ президиумд КПСС-н ЦК-н Президиумин чледиг сунъгъв.

Итклтӧ кун ур Зеленскийд В. В. тӧрун уг ӧггдв.

— Мана орн-нутг ик производственн болн политическ ӧргмджтӧ кевӧр сунъгъврин ӧдр—мартин 16-ур ӧбрддж йовна,—гидж эн угӧн эклв.— СССР-н Деед Советин депутатирин кандидатд советск олн-ӧмтн эврӧннь урдудин сӧӧнинь темдглдж орулджана. Эднӧ негнь мана кандидат ур А. Т. Киселев,—гидж келӧд, депутатин кандидатин джиргълин, узмджтӧ кӧдлмшин тускар цааранднь тодрха кевӧр келдж ӧгв. Ур А. Т. Киселев Приютненск района 4-ч совхозин директор болдж 20 гар джилд кӧдлдж йовна, эн совхоз ода мана танъгъчд нӧурт йовгч эдл-ахусин негнь болв. Энуг кӧцхин кергт ур А. Т. Киселев чидлӧн ӧрвлго кӧдлдж йовб, тегӧд чигн эн мана танъгъчин куч-кӧлсчир дунд ик тоомсрта, дамшлтта гардач болдж тоолгдна. Коммунистирин болн партийн биш улсин эвдршго хамцлтин кандидат ур А. Т. Киселевд дуугъан ӧгцхӧтн гидж ур Зеленский цуг сунъгъачириг дуудв.

Трибун деер—тосхлтин 2-ч управленӧ начальник ур Сергеев.

—Элстин тосхачир ик шунмгъагъар СССР-н Деед Советин депутатирин кандидатирт темдглдсн улсиг дӧннджӧнӧ, тедн дунд бас темдглдсн мана Элистинск округин кандидат ур А. Т. Киселевд дуугъан ӧгцхӧхнь лавта. Ур А. Т. Киселев кесг джилн туршарт совхозиг гардад, ик узмджтӧ диилвр кӧцсинь бидн сӧӧнӧр меднӧвдн, тегӧд мана Коммунистическ партин тоомсрта урн А. Т. Киселевин тӧлӧ цугъар нег кун кевтӧ дуугъан ӧгтн гидж цугтагитн дуудджанав,—гидж ур Сергеев келв.

Цааранднь даран-дарандан босдж уг келцхӧсн: Савченко—Элистинск МТС-н тракторн бригадин бригадир, Абушинов—Сталинӧ нертӧ кӧлхозин агроном, Сергиенко—Элстин 1-номертӧ дундин школин багш, Кошецко—ВЛКСМ-н балгъсна комитетӧс, Манцынов—танъгъчин профсоветин ахлач—эдн цугтан, Деед Советин депутатин кандидат ур А. Т. Киселев итклтӧ, нернь туургсн, кӧдлмшин ик дамшлтта кун, мана орн-нутгин ах йосна ханьд йовдж, куч-кӧлсчирин даалгъвр кӧцӧддж чадхмн, энунӧ тӧлӧ цугтан дуугъан ӧгцхӧхмн гидж дуудвр кецхӧв.

СССР-н Деед Советин депутатин кандидат ур Алексей Трофимович Киселев уг авч, цуг сунъгъачирт ик ханлтан кӧргдж келв.

—Тадна нанд ӧгсн даалгъвритн кӧцӧхин тӧлӧ цуцрлтан угагъар кӧдлхв,—гидж эн иткӧлв.

Хургин чилгчӧр сунъгъачирт кино узӧлгдв.